

Na osnovu člana 66. stav 2. Zakona o organizaciji organa uprave u FBiH (Sl. novine FBiH“ br. 35/05), te člana IV. Odluke o isplati naknade za treće i svako naredno živorođeno dijete u Unsko-sanskom kantonu za 2019. godinu br. 03-017-888/2019 od 18.09.2019. godine, ministrica Ministarstva zdravstva, rada i socijalne politike donosi:

Instrukciju o bližim uvjetima ostvarivanja naknade za treće i svako naredno živorođeno dijete u Unsko-sanskom kantonu za 2019. godinu

Član 1.

(Predmet)

Ovom instrukcijom se uređuju bliži uvjeti i postupak ostvarivanja prava na naknadu za treće i svako naredno živorođeno dijete u Unsko-sanskom kantonu za 2019. godinu.

Član 2.

(Korisnici prava/naknade)

- (1) Pravo na naknadu može ostvariti jedan od roditelja djeteta rođenog u porodici kao treće ili svako naredno živorođeno dijete.

Član 3.

(Visina naknade)

Visina naknade za treće i svako naredno živorođeno dijete u Unsko-sanskom kantonu za 2019. godinu iznosi 1.000,00 KM, a isplatit će se jednokratno.

Član 4.

(Podnošenje zahtjeva)

Zahtjev za ostvarivanjem prava na naknadu podnosi se centru za socijalni rad prema mjestu prebivališta podnosioca zahtjeva, a za djecu rođenu od 01.09.2019. godine do 31.12.2019. godine.

Član 5.

(Dokumentacija)

Uz zahtjev za ostvarivanje prava na naknadu za treće i svako naredno živorođeno dijete u Unsko-sanskom kantonu za 2019. godinu, prilaže se slijedeća dokumentacija:

1. potvrde o prijavi prebivališta za roditelje,
2. izvodi iz matične knjige rođenih za novorođenu dijete/djecu,
3. izvodi iz matične knjige rođenih za ostalu djecu,
4. potvrda da drugi roditelj nije ostvario isto ili slično pravo na području drugog grada/općine u Bosni i Hercegovini (u slučaju da drugi roditelj ima prijavljeno prebivalište na području drugog grada/općine u BiH),
5. broj transakcijskog računa za podnosioca zahtjeva.

Član 6.

(Blizanački porodi)

U slučaju blizanačkih poroda kod porodica koje imaju jedno dijete, tada podnosiocu zahtjeva pripada naknada od 1.000,00 KM, a u situacijama blizanačkih poroda kod porodica koje imaju dvoje djece, tada podnosiocu zahtjeva pripada naknada za svako novorođeno dijete (2.000,00 KM).

Član 7.

(Stupanje na snagu)

Ova instrukcija stupa na snagu danom donošenja.

Broj: 09-57-11113-1/19
Bihać, 07-10-2019 2019. godine



MINISTRICA
dr. sc. prim. Nermina Čemalović
spec. medicinerada